

Kommunane i Hordaland

Dato: 04.07.2017
Vår ref.: 2017/3689-16
Saksbehandlar: tortitt
Dykkar ref.: «REF»

Kommunane i Hordaland. Evaluering av bygningsvernkonsulentordninga

Ei satsing i *Premiss: Kultur. Regional plan for kultur 2015-2025* er styrking av ordninga med bygningsvernkonsulentar ved dei regionale ansvarsmusea. Denne tenesta har utvikla seg frå 1990-talet og frametter, og består i dag av bygningsvernkonsulentar ved Museumssenteret i Hordaland, Sunnhordland museum, Hardanger og Voss museum og Bymuseet i Bergen. I tillegg vil oppgåva som museumskonsulent ved Museumssenteret i Hordaland og Sunnhordland museum sjåast i samanheng med den nemnde ordninga. For dei fleste stillingane gjeld at Hordaland fylkeskommune bidreg med eit gitt beløp og med føresetnad om kommunal medfinansiering. Musea har arbeidsgjevaransvar. Hausten 2016 vedtok Hordaland fylkeskommune at bygningsvernkonsulentordninga ved musea skal evaluerast, mellom anna for å synleggjere samfunnsnytta, sikre harmonisering og likt tilbod for kommunane.

Lenkja under går til den politiske saken:

<http://einnsyn.hfk.no/einnsyn/DmbHandling/ShowDmbHandlingDocument?dmbId=8684&caseType=CasesFremlegg®istryEntryId=309057>

Etter anbudsprosessen har Norsk Institutt for Kulturminneforskning – NIKU – fått oppdraget med å evaluere ordninga. Siv Leden, siv.leden@niku.no og Knut Fageraas, knut.fageraas@niku.no er våre kontaktpersonar der. Ta gjerne kontakt med desse for informasjon eller spørsmål.

I dagane 16.-18. oktober vil NIKU gjennomføre intervju i Bergen med primært bygningsvernkonsulentane. I prosjektperioden vert det og sendt ut spørreskjema til aktuelle partar (kommunar, musea, private eigarar etc.).

For å gjennomføre undersøkinga er det naudsynt med innsamling av grunnlagsmateriale. Difor etterspør vi dokument som syner kontakt mellom kommunane og bygningsvernkonsulent, eventuelt private eigarar i kommunen og bygningsvernkonsulent (til dømes rådgjeving i ulike type oppdrag, hjelp med søknadsskriving, formidling etc). **Frist for innsending av grunnlagsdokument er 15. august.**

Vi vonar at kommunane ser positivt på evalueringa, og at ein sender inn aktuell dokumentasjon. Orienteringa og informasjonen vert sendt ut til alle kommunar i Hordaland. Dersom din kommune ikkje er omfatta av ordninga, vil det vere fint om kommunen sender inn informasjon om korleis ein løyser behov for rådgjeving i kulturminnespørsmål generelt og kva behov ein har.

Grunnlagsdokumentasjon skal sendast til Tor Titlestad, tor.andreas.titlestad@hfk.no.

Vi høyrer gjerne frå dykk og takkar for hjelpa på førehand.

Med helsing

David J. Aasen Sandved
kst. fylkeskonservator

Elisabeth Bjørsvik
seniorrådgjevar

Brevet er godkjent elektronisk og har derfor inga underskrift.

Kopi: Norsk Institutt for Kulturminneforskning